

ERASMUS+

POJAŠNJENJE DOKUMENATA

Erasmus+ ugovor o učenju (Learning Agreement) je dokument u kojem se unose podaci o studentu i predmeti koje će student pratiti na izabranom Fakultetu. Ugovor o učenju se preuzima sa datog linka (iznad) te druga verzija ovog dokumenta neće biti prihvaćena. Prilikom prijave, **Ugovor o učenju MORA biti potpisan od strane studenta, te potpisan i pečaćen od strane odgovorne osobe na Fakultetu (Dekan)**. Dokument je na engleskom jeziku te se na tom jeziku i ispunjava.

Erasmus+ ugovor o mobilnosti (Mobility Agreement for Teaching or Training) je dokument koji ispunjava akademsko ili administrativno osoblje Fakulteta koje se prijavljuje na mobilnost. Zavisno od vrste mobilnosti, imamo dva dokumenta: **Ugovor o predavanju – teaching** (ova aktivnost omogućava akademskom osoblju da drži predavanja na partnerskoj instituciji. Mobilnost se može odnositi na bilo koje studijsko polje/akademsku disciplinu. Minimalno trajanje mobilnosti je 5 dana (+2 dana putovanja), dok je maksimalno trajanje 28 dana (+2 dana putovanja), zavisno od toga kako je definisano u ugovoru. Predavanje treba sadržavati minimum 8 sati predavanja po sedmici) i **ugovor o obuci – training** (ova aktivnosti podrazumijeva profesionalno usavršavanje akademskog i neakademskog osoblja u obliku redovne obuke osoblje (staff training). **U ovu obuku ne ulaze konferencije i praktične obuke/usavršavanje (job shadowing/observation periods) na partnerskoj instituciji**. Osoblje mora biti zaposleno na partnerskoj instituciji (u trenutku nominacije i u trenutku mobilnosti). Minimalno trajanje mobilnosti je 5 dana (+2 dana putovanja), dok je maksimalno trajanje 28 dana (+2 dana putovanja), zavisno od toga kako je definisano u ugovoru). Prilikom prijave na konkurs, **dokument treba da bude ispunjen traženim podacima, potpisan od strane kandidata i odgovorne osobe na Fakultetu (Dekan)**. Dokument je na engleskom jeziku te se na tom jeziku i ispunjava.

Uvjerenje o položenim ispitima (Transcript of records) je dokument koji izdaje studentska služba Fakulteta, a sadrži listu predmeta i ocjena koje je student položio do trenutka prijavljivanja na konkurs. S obzirom da većina Fakulteta izdaje ovaj dokument na lokalnom jeziku, pored originala, **potrebno je obezbijediti i prevod na engleski jezik**.

Dokaz o poznavanju stranog jezika – jeste dokument koji predstavlja oficijelni certifikat škole za strane jezike, a kojim se potvrđuje poznavanje jezika na kojem se izvodi nastava (najčešće na engleskom jeziku). Različiti fakulteti imaju različite kriterije, no najčešće nivo jezika mora biti B1 ili B2 i iznad. **Provjerite sa fakultetom na koji se prijavljujete koji nivo i koji certifikat se traži**.

Pozivno pismo (Letter of invitation/Interest) je dokument kojim se akademsko ili administrativno osoblje poziva da dođe na partnerski Fakultet u okviru ove mobilnosti. **Pismo treba da bude na memorandumu Fakulteta na koji se odlazi, a obično se izdaje na engleskom jeziku**.

Scan pasoša – potrebno je dostaviti skeniranu stranicu na kojoj se nalaze podaci o kandidatu. **Voditi računa da je u pitanju biometrijski pasoš ili stari pasoš sa validnom Schengen vizom**. Također je bitno naglasiti da se provjeri datum isteka pasoša, kako ne bi bilo problema prilikom prijavljivanja, odnosno prilikom putovanja.

Dodatni dokumenti – prije raspisivanja konkursa potrebno je definisati da li visokoobrazovna institucija na koju student želi ići pored navedenih traži i neke dodatne dokumente.